

## Wartawan Sukan BH menang anugerah UniSZA

**Kuala Terengganu:** Wartawan Sukan BH, Mohd Khairie Khalid (**gambar**) memenangi Anugerah Penulisan Berita Terbaik (Siswa) Universiti Sultan Zainal Abidin (UniSZA) pada Malam Anugerah Kewartawanan UniSZA 2015 di sini, malam tadi.

Graduan lepasan UiTM Shah Alam itu memenangi anugerah itu berdasarkan laporan bertajuk 'Siti Asiah cabar diri ke Universiade' sekaligus membawa pulang hadiah Kamera Sukan (Sport Cam) dan sijil penyertaan.

Hadiah pemenang disampaikan oleh Naib Canselor UniSZA, Prof Datuk Dr Yahaya Ibrahim. Turut hadir, Pengarah Unit Komunikasi Korporat dan Antarabangsa (UniSZA), Prof Madya Dr Ahmad Azrin Adnan.

Sementara itu, Khairie berkata dia tidak menjangka dengan kemenangan itu dan berharap ia mampu jadi dorongan menghasilkan penulisan lebih bermutu.

"Kemenangan ini satu kejutan buat diri saya dan terima kasih kepada bos dan rakan senior," katanya.



BERITA HARIAN 12/02/2014